

平定兩金川方畧

四

十

平定兩金川方略

卷十

平定兩金川方畧卷之一百十

十一月壬戌。阿桂豐昇額色布騰巴爾珠爾奏
言。查作固頂穆爾津岡等處。賊人寨落。一時尚
未掃除。則自達爾扎克以至日爾巴當噶。現須
派兵駐守。所有達爾扎克一路。原設兵丁。僅敷
聯絡分駐之用。其遜克爾宗後路官兵。儘力抽
撤。連前敵之兵。約共得七千餘人。可供進取。惟

密拉噶拉木西南。直至勒烏圍賊巢。俱在榮噶爾博山陰。此山大勢皆向河而下。山腿共有四條。南一條下至河沿。爲冷角喇嘛寺。稍北一條。名勒吉爾博。賊番於上半截設有碉卡木城。下至河沿。爲噶爾丹喇嘛寺。又稍北一條。名康薩爾。其上亦有碉柵。山腿稍短。不及至河而止。正北一條。卽羅卜克鄂博。現在設立營卡。臣等從

密拉噶拉木進攻。下壓勒烏圍。則康薩爾及勒
吉爾博賊皆拒守甚嚴。難免有稽時日。查羅卜
克鄂博西下過溝。另有山腿一道。名格魯克古。
自東北而西南。係作固頂之麓。迤邐下至河邊。
又分爲兩小山腿。北有格爾提寨。南有得式梯
官寨。官兵取得山腿兩寨。已直抵大河。其作固
頂。穆爾津岡康巴達陡烏當噶各處賊寨。均爲

大兵隔斷。不能復與勒烏圍往來。是賊境東北
一帶。可以先爲掃淨。由此進搗巢穴。更無他顧。
其康薩爾勒吉爾博賊寨。亦已徒守無益。臣等
擬派兵兩隊。一攻康薩爾。一攻勒吉爾博。牽綴
賊勢。其從羅卜克鄂博至格魯克古山腿中間
溝內。尚有碉卡一座。又派兵兩隊。一憑高攻搶
溝內碉卡。一直上山。從山下壓攻。取格爾提

寨其溝內之兵。於攻克礮卡後順溝而出攻取。
得式梯寨。賊人斷不能處處防範。可期必克。臣
等部署已定。卽於一兩日內奮迅進攻。至遜克。
爾宗爲勒烏圍一帶緊要隘口。臣等雖令富興
普爾普成德常祿保等分段防範。仍須大員總
統。查五岱係叅贊大臣。若在彼隨時督率。自更
妥協。現已商令移駐日則了口。並令審察遜克。

爾宗賊情。一有可乘之勢。卽行搶佔。

同日。阿桂豐昇額色布騰巴爾珠爾又奏言。從
遜克爾宗前往勒烏圍。本有番人平日往來之
道。但榮噶爾博一道山梁。路徑陡險。林箐叢深。
且賊碉嚴密。難期深入。是以大兵從並無路徑
之默格爾山梁。繞出榮噶爾博背後。先得凱立
葉下截山梁。而臣豐昇額並已接通凱立葉上。

截之兵。從此據高直取勒烏圍。更不必由遜克
爾宗而榮噶爾博。已自失其險。進搗實爲較易。
至勒烏圍沿河一帶。雖有路可抵噶拉依。然地
處低下。究以循山上行爲得勢。查勒烏圍溝水。
流入於勒烏圍前面大河。其將近會合處。有甲
爾日磔橋。在勒烏圍東南。應從橋前進。上巴爾
覺山。進至噶爾丹。該處山腿兩條。一係直下雍

中喇嘛寺。一係直下噶拉依。若大兵抵此。即可
掃殄賊巢。臣等一得勒烏圍。定由此路進攻。均
奏入。

上諭軍機大臣曰。阿桂等奏分路進攻。一經得手。卽
無難進取噶爾丹寺。果爾則阿桂與明亮。可以會
剿勒烏圍。至所稱由勒烏圍往噶拉依之路。旣係
阿桂體訪得實。自屬可信。但官兵聲勢甚盛。恐賊

衆度不能支。潛回噶拉依。不可不設法防截。又據
奏遜克爾宗。爲勒烏圍緊要隘口。擬令五岱移駐
日則丫口。遜克爾宗。原屬現在緊要後路。不可無
人防守。五岱帶兵駐彼。自可望其得力。

甲子。顏希深奏言。副將軍明亮等。克捷帶石山
梁。現在運道。由周叟過河。沿坡直上。卽抵新營。
查舊路周叟運至日旁。又運至新營。共須五站。

且由呀喲繞道。山徑崎嶇。倍爲紆阻。今自周叟
直運帶石。約四十里。只須兩站。帶石至日旁舊
營。亦約四十里。日旁站先已裁撤。但大兵新移。
其達爾圖一帶。須與日旁聲勢聯絡。且爲馬尼
軍營文報所經。茲擬撤呀喲站。移設日旁。較爲
省便。至達爾圖覺木交等站。尚有駐扎官兵夫
役。應以木池所收南路米石供支。而北路滾運。

專供新營。倘有不敷。卽撥木池米石。徑運日旁。
約計三站。亦爲不遠。再大兵移營帶石。周叟卽
爲後路。糧運文報。俱由此馳遞。差務繁多。原設
官兵。不敷守護。臣已知會鎮臣李時擴。酌撥覺
木交兵一百名。千把二員。以資巡防。奏入。

上諭軍機大臣曰。顏希深奏酌撥覺木交兵弁巡防。
自應如此辦理。兩路大軍。正當乘勝采入。剋期奏

續之時。後路尤關緊要。阿桂一路。正在合力進攻。兵威嚴整。賊衆自不敢潛出滋事。卽明亮軍營卡隘。頗能實力周防。前此賊出窺伺。屢被殲戮。諒亦不敢復萌故智。惟周叟爲明亮軍營後路。且係糧報所經。更當加意防守。設或疎懈。於進兵大局。甚有關係。李時擴。顏希深。務當不時往來稽查。慎之又慎。明亮等亦當時刻留心照料。

乙丑富勒渾郝碩奏言大兵自攻克默格爾日

爾巴當噶等處又已深入六七十里。臣酌量餉

運情形除自梭洛栢古至喇穆喇穆原定三站

毋庸更易外應將格魯瓦覺舊設糧臺移安山

梁之上作爲一站由格魯瓦覺山梁至該布達

什諾又至得斯東又至密拉噶拉木大營共安

三站但得斯東至大營路徑陡險人夫負重登

高。較爲費力。且現與賊人逼近。應作站半報銷。
以示鼓勵。其原設喇穆丫口色湖普之站。卽行
裁撤。隨將丫口等站原夫。及後路抽調人夫。均
勻分撥安設。加緊輓運。其自梭洛栢古。至達爾
扎克。原設五站。自凱歌坪至密拉噶拉木大營。
計程三十餘里。俱係新得賊番之地。沿山窄徑。
勢難安設糧站。卽令直送軍營。作爲站半。凱立

葉官兵。現在會合。所有原設之站。業經裁撤。卽

將原卡分安各站應用。並抽撥後路馬匹。安設

馬臺軍報。現由此路馳遞。至將軍阿桂移營密

拉噶拉木之後。臣等恐大兵道遠行速。在在需

夫搬運。格魯瓦覺一路趕運之糧。一時難以充

裕。隨於二十九日。在達爾扎克運米三百餘石。

以資接濟。並據總理道白瀛稟報。現存米四百